



Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Paraphrasis in Lectionem Apocalypsis XXI.

[urn:nbn:de:hbz:466:1-47044](#)

IN DEDICATIONE TEMPLI.

bus dicit: *Propterea vos non auditis, quia ex Deo non esis. Qui est cum Patre & Spi- 745
ritu sancto benedictus in secula, Amen.*

IN SOLENNITATE DEDICATIONIS EC- clesiae. Lectio loco epistolæ ex Apocalypsi B. Io- annis Apostoli, capite XXI.

N diebus illis. Vidi ciuitatem sanctam Hierusalem nouam des-
cendentem de celo, à Deo paratam, sicut sponsam ornatam viro
suo. Et audiui vocem magnam de throno dicentem: Ecce taber-
naculum Dei cum hominibus & habitabit cum eis. Et ipsi popu-
lui eius erunt, & ipse Deus cum eis erit eorum Deus. Et abster-
get Deus omnem lachrymam ab oculis eorum, & mors ultra non erit, neque lu-
citus, neque clamor, neque dolor erit ultra, que prima abierunt. Et dixit qui
sedebat in throno: Ecce noua facio omnia.

PARAPHRASIS IN EANDEM EPISTOLAM.

Nemini mirum videbitur, cur hæc hodie lectio legatur in solennitate
dedicationis templi, si attenderit non hodie dedicationis memoriam
agi lapidum, lignorum, cimenti, tecti, vasorum, & huiusmodi mate-
riarum templi, sed congregationis portus huius sanctæ, quæ simul in unita-
tem Ecclesiaz huius particularis sub vno prælato, sub unoque pastore con-
gregata est. Hæc tamen congregatio non est aut dici debet vniuersa Eccle-
sia, sed quadam pars Ecclesiae militantis. Vniuersa enim Ecclesia militans
omnes in se complectitur Ecclesiæ (vt sic loquar) particulares. Quia tamen
hæc congregatio, huiusq; loci fidelium conuentus, qui in hanc domum col-
ligitur, fide & sub regimine eodem tanquam ciuitas vna simul vnitur: ideo
qui cquid de vna vniuersaque Ecclesia legit & intelligitur, etiam singula-
ri Ecclesiæ huic tanquam vniuersalis Ecclesiæ filiæ applicatur. Ait igitur Io-
annes: Ego Joannes in visione mentis ac in spiritu vidi ciuitatem sanctam Apoc. 11.
Hierusalem, hoc est præsentem Ecclesiæ militantem, quæ fide ac charitate, Civitas cuius
legum parilitate, animorumq; concordia cum Deo hominum vnit multitudinem, totus militans
non aliter atque ciuitas suos ciues in vnam congregationem co-
dunat cum suo rectori. Vidi, inquit ciuitatem Hierusalem sanctam. Merito
sancta dicitur, à qua omnis qui in peccato vivit mortali, coram Deo pro-
scribitur. Nihil enim coinqutum intrabit in illum, quippe quam Christus dile- Apoc. 11.
xit, & tradidit semetipsum pro ea, mundans eam lauacro aquæ in verbo vi- Ephes. 5.
tæ. Nemo igitur ciuitatis huius est particeps, nisi sanctus à peccatis per virtu-
tem sanguinis Christi mundatus. Dicitur quoque noua: siquidem lege Moysi
antiquata, noua regitur lege gratiae, puta Euangelica. Sequitur: Paratam à
Deo tanquam sponsam ornatam viro suo. Reuera ut Ecclesia Christo effet
sponso digna, parauit, ornauitq; illam Deus sacramentis, donis, virtutibus
ac gratijs multis ac varijs: quibus ut regina astaret à dextris Deo in vestitu psalm. 44.
deaurato, circumacta varietate. Astaret, inquam, parata ad omne eius be-
neplacitum, ut videat voluntatem Domini, canderetq; facit, audiens: Obliuisc. Psal. 16. 44.

BBBBB *cere*

T. VI
 21

cere populum tuum, & domum patris tui, & concupisces rex decorum tuum, &c. Sequitur: Et audiui vocem magnam de throno diuinæ maiestatis, dicentem: Ecce tabernaculum Dei cum hominibus. Tabernaculum recte præsens Ecclesia vocatur, quia tabernaculum est militantium, in quibus Deus habitat, iuxta quod Christus promisit: Ecce ego vobis sum omnis diebus usque ad consummationem seculi. Et in Zacharia ait: Ecce ego venio & habitabo in medio tu. Nobiscum enim est Dominus, sicut pastor cum oviibus, magister cum discipulis, pater cum filijs, medicus cum infirmis. Tabernaculum itaque Dei in quo Deus habitat, & quod præsens est Ecclesia, est cum hominibus, quem admodum mater cum filijs, ita tamen ut ex ipsis filiis congregatis constitutur ea quæ dicitur Ecclesia mater. Et habitabit in eis, qui tabernaculum Dei esse meruerunt, id quæ per gratiam suam. Ipse enim est qui dixit: Si quis diligenter sermonem meum seruabit: & Pater meus diligit eum, & ad eum venientia, & mansionem apud eum faciemus. Et ipsi populus eius erunt, hi scilicet, qui ad hoc a Deo predestinati sunt & electi, ut sint gens sancta, populus acquisitionis, redempti a Domino. Et ipse qui omnium est Deus per creationem, erit singulari peculiariquæ modo illorum Deus: erit omne eis refugium & consolatio. Erit, inquam, illorum Deus: ad illum confugient, in illum sperabunt, illi seruent, illum dicentem audient: Ego protector tuus sum, & merces tuam magna nimis. Porro quæ sequuntur, non hic, sed in triumphante Ecclesia implebuntur. Tunc enim absterget illis omnem lachrymam ab oculis eorum, his scilicet qui hic euntes ibant & flebant mittentes semina sua, qui dicunt: Super flumina Babylonis illis sedimus & fleumus, dum recordaremur tuis Sion. At modo, ubi transiimus per ignem & aquam eduxisti nos in refrigerium. In ijs electis mors neque naturæ, neque culpa locum habebit amplius, neque luctus, neque clamor, cuiusmodi in vita est præsenti: puta gementium & vociferantium. Neque dolor, qui laetat aut contristat, erit ultra: quippe quibus nihil molestum tristitia accidet ut hic, nolentibus. Hæc enim omnia iam prima abierrunt. Transitoria enim hæc erant ac momentaneæ: quæ verè iucunda & felicia sequuntur, perpetua erunt. Et dixit qui sedebat in throno: Ecce noua facio omnia. Noua enim & gloria erunt ad immortalitatem resurgentium corpora. Nunc enim (ut Ioannes dicit) filii Dei sumus: sed nondum apparuit quid erimus. Erit autem semper beatæ nouitas illa noua, nec villa poterit vetustate antiquari.

*EXEGESIS EVANGELII IN ANNIVERSARIO
dedicationis Ecclesie, Luce XIX.*

IN dedicationis Ecclesie solennitate legi solet Euangelium de illo Zacheo, cui Dominum videre cupiens dum ad hoc conatus sum extenuit, etiam in suam domum meruit recipere. Vnde exhilaratus, atque ad Dominum totus conuersus, cum ante fuerat princeps publicanorum, omnia quæcumque iniuste acquisivit, restituere promisit, dimidiumque suorum honorum in usum erogare pauperum. Quamobrem illico audire meruit Christi testimonium: Hodie salus huic domui facta est. Propter quæ verba, quia hæc domini huic Deo eiusque cultui dedicatae aliquo modo applicantur, puta quatenus Ecclesiam seu congregationem hanc credentium, qui huc sub uno pastore adunati sunt, significat, quorum singulariter hic & nihil minus